

محمد مكاوى

شعبيات بلدنا

أشعار

الطبعة الأولى فبراير 2018

بطاقة الكتاب

عنوان المؤلف : شعبيات بلدنا
المؤلف : محمد مكاوي
التصنيف : أشعار
رقم الإيداع : 2018-5090
عدد الصفحات : 100 صفحة
رقم الإصدار الداخلي: 139
تاريخ الإصدار الداخلي: فبراير 2018 (الطبعة الأولى)
المشرف العام على جمعية تسهيل الطباعة الشاعرة سميرة محمودي

جميع حقوق الطبع والنشر محفوظة للشاعر، ولا يحق لأي دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجاري : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣

إهداء

....

الى جدعان بلدنا الذين يستمتعون بالكلمة الشعبية الهادفة
وكم كان لها من ادوار فى الماضى مثل زغلول يا بلح يا بلح
زغلول و كانت تقال فى وجه جنود الاستعمار الانجليزى ايام
ثورة سعد زغلول و كذلك كلمات بديع خيرى بصوت الشيخ
سيد درويش و غيرهم الكثير فكانت الشعبيات تصنع تاريخا
فهيا بنا نستمع بشعبيات بلدنا

.....

محمد مكاوى

إسمي

.....

انا اسمي

محمد مكاوي

للكلمه

انا عايش

غلاوي

صعب عليك

يا ابني تقلدني

مش معقول

تلعب

على حاوي

رجعی

....

بیقولوا رجعی

و موضه قدیمه

علشان مش غاوی

شغل السیما

و ماعرفشی صوت

اللیدی مادونا

من صوت جارتنا

الست کریمه

و مش بایدیا

دا یا بلدیا

عایش زکری

اغانى عظيمه

.....

عملولى حفله

و ناس معزومه

جابوا سوکا

و التيجا و بشته

دوشه و زيطة

مش مفهومه

و محارة السقف

معاها حته

و دا كله

غير

حجرين ع الشيشه

مع حوده



و السبع و ویشه

.....

العندليب

فاكرين اغانيه

لسه عيوننا

بتبكي عليه

و دولا كلام

رقص و تنطيط

ما سمعتش منه

غير تخبيط

و راسي لفت

زى البريمه

بيقولوا رجعي

و موضه قديمه

الحلو يا ناس

.....

الحلو يا ناس

شوفتوش عمل ايه

نشن على قلبى

برموشه

انا قلبى خلاص

بقا ملك ايديه

ابوس الايد

حد يحوشه

و قولوله

كان ماله و مالى

كان حقه

يفوتني ف حالي

ولا انه

برمشه يصيبني

و يسييني انزل

م العالی

.....

له ضحكه

لو يضحكها

تضحك له

الدنيا بحالها

اصله بجماله

شبكةها

كان ماله

يا عيني و مالها

و قولوله

كان ماله

و مالى كان

حقه يفوتنى

ف حالى

ولا انه برمشه

يصيبنى

و يسيبنى انزل

م العالى

.....

بالخد يا ناس

ويا الحاجب

يا خلق ياهو

بقا يتعاجب

اما العين
فعيونه قارب
و القد كمان
ما له غالب
و قولوله
كان ماله و مالى
كان حقه
يفوتنى ف حالى
ولا انه
برمشه يصيبنى
و يسيبنى انزل
م العالى

اطلبنى على المحمول

.....

ان كنت

داخل ع الننت

ارجوك

ابعت لى

ايميل

يا حبيبى انا

اصلى زهقت

من عد نجوم

الليل

وخليك واد

حلو و كول

و اطلبني
على المحمول
و الله انا مش مسئول
لو صبرى نفذ
يا جميل

.....

دقيت لك
طبله و طار
و عملت
يا روحى زار
ياما سوقت
عليك الناس
حلفتك بالعباس
اعطف عليا و حن

و كفايه عذاب
على طول خليك
واد حلو و كول
و اطلبني على
المحمول
و الله انا
مش مسئول
لو صبرى
نفد يا جميل

.....

ما كفايه بعد
و هجر
ما صبرت و خلص
الصبر

و انا مستتيك

ترجع لى

او من بعيد

تنده لى

و خليك واد

حلو و كول

و اطلبنى

على المحمول

و لو حتى

الشبكة واقعه

ما توقعشى

كدا على طول

و الله انا مش

مسئول لو صبرى نفد يا جميل

کیوید

.....

یوم ما الهوا
هز ف اوتارنا
قام القمر
یحضن اشعارنا
و فات سماه
حود علی دارنا
قال السهر
و الحب قدرنا

.....

طول عمری
قلبی

كان خالی
و انا بسهر
و باقول موالی
جه کیوید
غیر احوالی
و قال نملا
بالحب نهارنا

.....

لو عمری
یرجع م الاول
كان قلبی
عمره ما اتحول
عن حبك
او عن مشوارنا

ماهو كيوبيد
يا حبيبي امرنا

یا اُسمر

.....

یا اسمر یللی

جمالک و الله

زاد عن ای جمال

ما بلاش شغل

السیکا معایا

دا انا قلبی طبال

و حن علیا

کمان یا عینیا

ولا لک احوال

ما بلاها اسیه

شویه شویه

صباح الفل يا خال

.....

التقل دا طبعك

و لا انت

يا حبيبي حساس

خايف منى

يا ضى الننى

ولا من الناس

بسرعه يا غالى

اقف لى قبالى

كفايه دلال

ما بلاها اسيه

شويه شويه

صباح الفل يا خال

.....

الطب دا

من غير فايده

و انا قلبى

ناره قايدة

كتبوا لى

الف رويته

و علاجى بكلمه

واحدہ دوايا

تقوللى بحبك

قولها و يرتاح

البال ما بلاها

اسيه شويه شويه

صباح الفل يا خال

أبجدية

.....

او عا تفكر

انى ف يوم

ممکن اتغير

ولا تتصور

انك مره

عليا هتقدر

لا يا حبيبى

لا انا اسف

انا مش بغنى

للعيون ولا بغنى

للشفايف

الحب عندي
له ايجديه
و خاصه بيا
عائش حياتي
بكيفي انا
هو دا بيقا انا

.....

انا عندي الحب
شئ عقلي
مش افلاطوني
يعنى لا بسهر
و اتعذب ولا
تبكي عيوني
انا يوم ما احتاج لك

هاند هلك

و انت هاتجینی

و نقعد نتكلم

و نغنی آه یا لیلی

یا عینی

الحب عندی

له ابجدیه

و خاصه بیا

عایش حیاتی

بکیفی انا

هو دا یبقا انا

.....

لو مش عاجبك

افکاری یلا

امشى و سيبنى
ولا عمرى هاقولك
آه يا نارى
ولا شئ هاىصيبنى
و انت هاتتعذب ياما
بأفكارك ديا
شغل يا حبيبى الفهامه
و اعقلها شويه
الحب عندى
له ابجديه
و خاصه بيا
عائش حياتى
بكيفى انا
هو دا يبقا انا

قيدوا الشموع

.....

قيدوا الشموع

الليلة

دقوا دقوف

و طبول

فرحة جميلة

العيله و الشاب

ابن الاصول

و ادعوا

بدعوه جميله

و اتمنوا العمر

يطول

.....

غنى يا طير

يا شادى

رفرف و طير

ف السما

بطول و عرض

الوادى

العشق كان

ملحمه

لم النصيب بينادى

يسكت كلام اللما

.....

انت يا قمر

يا على

نور الحبايب

لالى

و السعد جه

طوالى

و احنا نهنى

و نبارك

و نغنى اغانى

جميله

قيدوا الشموع

الليله

عروستنا

.....

عروستنا فاقت

ف جمالها ای صبيه

و عريسنا

بدر ينور

ليله هنیه

ز غروته یلا

یا حبایب

صقفه قویه

.....

عريسنا دا

ما لوهشی مثیل

و عروستنا
هى قمر الليل
جمع ما بينهم
حب كبير
و لسه والله
العمر طويل

.....

افرد يلا
يا قلب جناح
رفرف ف دنيا
من الافراح
و كفايه عشت
زمان سواح
ان الاوان

انك ترتاح
الليله حلوه
و الفرحة هله
الليله حلوه
يحرصها الله
عروستنا
فاقت ف جمالها
اي صبيه و عريسنا
دا بدر ينور
ليله هنيه

يا أغلى إسم

.....

يا أغلى اسم

ع القلوب

يا حب

يا اسم فيه

الناس تدوب

يا حب

نعيش بالحب

مافيش غير حب

حب ف حب

دنية حب

.....

تفوت ليالى السهر

و سنين تعدى

قوام و الحب

علينا قدر

و كلامه احلى كلام

و مهما قالوا

انه صعب

لازم يدوقه

القلب نعيش

بالحب مافيش

غير حب

حب ف حب

دنية حب

.....

ساعة ما يجي

بسلامه

نلاقى الدنيا

عيد

اجمل ما فيه

ابتسامة الحبيب

من بعيد

و مهما قالوا

انه صعب

لازم يدوقه القلب

نعيش بالحب

ما فيش غير حب

حب ف حب

دنية حب

أهلا بالفرحه

.....

اهلا بالفرحه

بعروسه و طرحه

و انوار بتلالی

و زغاريت ف العالی

توصل للقمره

و نجومها السارحه

اهلا بالفرحه

.....

اهلا بلیالی

فرحها طوالی

و م الفرحه بغنی

و الكون يسمغنى

دا الحلم اتحول

لحقيقه قبالى

اهلا بليالى

.....

اهلا بالنسمه

بقلوب مبتسمه

الحب جمعها

و الحب دا قسمه

و القسمه نادت

عليكوا بفرحه

اهلا بالفرحه

هداف

....

ما بلاش تلعب

ع الونجين

حدد يلا

مكانك فين

و العب على

مكسب مضمون

خلص بدرى

و هات الجون

خليك دايمما

كدا هدا ف

صح العبها

او عا تخاف

.....

لا هو زارع

ف السما

ازهار

ولا هيخلي

نجومها كتار

عين ف الجنه

و عين ف النار

نفسى تقول

كلمة انصاف

خليك دايم

كدا هدا ف

صح العبا

او عا تخاف

.....

او عا ف يوم

تصبح مغرور

باصص كدا

من عاشر دور

انت اللاعب و الجمهور

و الحكم اللى

ياما شاف

خليك دايم

كدا هدا ف

صح العبا

او عا تخاف

إدارى يا قمر

....

ادارى يا قمر

عروستنا وصلت

دى نجومك

يا قمر

حواليها رقصة

اليوم دا يا قمر

يومها مش يومك

ادارا يا قمر

ياتكمل نومك

فين نورك

يا قمر

مش باین لیه

شوف نورها

یا قمر

اسم الله

علیه

ادارا یا قمر

عروستنا وصلت

أوبريت حوريه و الصيادين

.....

ريسنا واقف

يصطاد

و الشبكه

يرميها ف ميعاد

و ميعاده ساعة

صبحيه

ساعة ما بتعدى

حوريه

و حوريه اميرة

المالح و الرئيس

بخياله سارح

.....

موال

يا رب انا

صياد و مراکبی

ف بحر الهوا

و الهوا فاض بی

امواجه بتعلا

بتعلا لفوق

و تاخذنی ف قلب

بحور الشوق

و محتاج لحوریه

تطلع بی

يا رب انا

صیاد و مراکبی

.....

یا نهار ابيض

یا نهار نادى

على بلطيه

ف الناحیه دى

شغلت كل

شباب الحته

و ما خلت حد

يكون هادى

فيه قله تدور

ع الارزاق

و قصادهم الف

من العشاق

و ناس تانیین
ماسکین ف خناق
و الصاحب لصاحبه
یعدی

.....

حوریه حیاتی
بحبها موت
عیب ما تقولشی
یا ریس حوت
طب خلی الیوم
دا علینا یفوت
لیه تخانقتی
یا حوده علیها
یلا لاعبنی

و اكسب منى

و اللى هايكسب

يبقا شاريها

.....

لموا كل الشبك

ماخلاص ماخلاص

خلص السمك

و البحر بيرمى

الودع و يا عينى

عينى على الجدع

.....

حوريه خربت

ما بنا لازم

حالا تبعد عنا

اجرى انده

على حتتنا

.....

و رجع البحر

لأهل البحر

و انتصر الخير

على كل الشر

و زى ما كنا

اصحاب امبارح

هنعيش برضه

طول العمر

نفسى

....

نفسى ف حاجه

لا ف مقدارى

و لا مقدارك

نفسى الطير

يحكى لى

عنك عن اخبارك

و اركب مركب

اعدى بيها

بحور اسرارك

لو بيا تميل

دا مافيش يا جميل

زى سمارك

.....

آه لو كلمه

تخرج منى

و تدخل قلبك

و القاك ماشى

يا روحى ف دربى

و يصبح دربك

يومها هتعرف

كل الدنيا

انى بحبك

تبعت فرحه

تملا ليك

ويا نهارك

و اركب مركب

اعدى بيها

بحور اسرارك

لو بيا تميل

دا مافيش يا جميل

زى سمارك

.....

نفسى املا

الدنيا بحالها

بالافراح

و اقول لقلبي

لقيت نصيبك

اهدا ارتاح

و من قلبى



اغنى و اقول
سلام يا جراح
نفسى تسكن
جوه ف قلبى
و يصبح دارك
و اركب مركب
اعدى بيها
بحور اسرارك
لو بيا تميل
دا مافيش يا جميل
زى سمارك

لأ مش ممكن

.....

لأ مش ممكن

ارجع احبك

انما ممكن

اسمع قلبك

ممكن ارجع

الهام شعرك

ممكن اسهر

ويا القمره

وف احلامى

فرحه لبكره

ممكن اغنى

زى زمان
و اضحك تانى
بكل حنان
ممکن شمسی
تغلب یاسی
ممکن احکم
انا على نفسی
لكن قلبی
يحکمه مین
هیجیب قوللی
عمر منین
بعد ما ضاع
العمر ف قربک
لا مش ممکن

بحر الحب

.....

لما نزلت
انا بحر الحب
قلبك كان
عامل غواص
و لما جيت
اغرق و اطب
قلبي اتعلق
فيك و خلاص
يا خساره
يا رفيق الدرب
قلبك ليه

يطلع رقااص

حتى عيونك

ليه محتاجه

فيهم يندب

الرصااص

شمس وقمر

.....

صغير و صغيره

كانوا شمس و قمر

كتبوا حروف

اساميههم على

جزع الشجر

باشوفهم كل يوم

و الضحكه ع الشفايف

دايما من

غير هموم

و ما حدش منهم

خايف

و تمر سنين و سنين

و كل صغير يكبر

شمس بیجی

للشجره و قمر

بقت تتأخر

بقت تستنا

اللیل یجی

و معاه الامان

علشان تخرج

تقابله ف میعادهم

زی زمان

وافتكر ايام زمان

وافتكر القصه

کمان و علی

جزع الشجر
اشوف اساميههم
شمس و قمر

صدفه

.....

اول ما اتقابلنا

صدفه جمعنا

و ع الود

اتعاهدنا

الفرحه كانت

ويانا

الدنيا ماهش سايعانا

اليوم دا

كان يوم عيدنا

دلوقتى

عدا الزمان

دلوقتى

راح اللى كان

و زى ما اتقابلنا

زى ما افترقنا

صدفه جمعتنا

و صدفه فرقتنا

صندوق حكايات

.....

الصندوق

خلص حكاياته

لكن لسه

حكاوى كتيره

و لكل واحد

منا صفاته

بس الاكثر

فيما الخيره

و ادى كل واحد

منكم شاف

ان الحقوق

ففيها انصاف
و لو كل واحد
يروى ارضه
عمرها بالعمر
ما تبقا جفاف
راح تخضر
و تفضل خضره
و زى ما تزرع
تاخذ ثمره
بس ضرورى
لازم تبدر
ارضك بالخير
علشان بكره
و لو تحتاجنى

ف یوم تلقانی

جای لك

بحكاوی و اغانی

من ورا الشباك

.....

واقف ورا

شباك

شوفت اتنين

هناك

واخدين سمار

النيل

لون الشعر

من الليل

.....

هبت عليهم

ريح هزت

ورق الشجر

فاتت قلب

جريح خبت

نور القمر

.....

و تمر الايام

جيت عند الشباك

حسيت بالاحلام

المزروعه هناك

قولت لازم

راجعين وف نفس

ميعادهم عارف مواعيدهم روجت انا

على الشباك شوفت

الدنيا هناك رجعوا مشتاقين

إِسْمُكُ اِيَه

....

طُب اسْمُكُ

اِيَه يَلْلِي

شَاغْلْنِي

مَحْتَار كُدا

لِيَه طُب

كَلْمْنِي

خَايِف مِنْ

اِيَه مَا تَقُولْلِي

عَلِيَه

او قُولْلِي

كَلْمَه تَطْمْنِي

.....

يوماتي

واقف بستناك

ساعة

ما تعدى امشى

وراك

ان فات

ميعادك

او طال

بعادك

دقة قلبي

تكون سابقاك

.....

بلاش تقوللى

و تتكلم
و كفايه من
بعد تسلم
ولا السلام
عندك حرام
و مكتوب عليا
اتألم

حببتك

.....

حببتك

و الحب دا عادى

انما حبى انا

مش عادى

حببتك

نسمة عصريه

على بابى

فايته معديه

لو يطول

مشوارى بيا

دي عيونك

ف الدنيا

زادى

حببتك

و السكه طويله

يا قمره

وف ليله جميله

لو تحما

شمس الصبحيه

دى رموشك

هى الضليله

ايامك

كلها اعيادى

يا اجمل

زهرة ف الوادى



لو غبتی
لیله عن عینی
ما تنامشی
العين الیلہ دی

راح الحب

.....

لما عينا

جت ف عنيه

شئ شدنى

و جذبنى إليه

جوايا

شئ ما عرفشى

دا إيه

خلانى

ملهوفه عليه

....

القلب هواه

من اول

يوم

و عشقت الـآه

و نسيت النوم

و شغلنى

و دلوقتى بيبعد

و بدور و انا

مش شايفاه

.....

ارجع تانى

امسح احزاني

ليه تنساني

آه يا زمانى

و ان ما رجعليش

ها صبر
و هاعيش
و يا دنيا لا ما توقافيش

هو انا لسه ما وحشتكيش

.....

ردى عليا

ما تكسفيش

جاوبى قولى

ما يهمكيش

هو انا لسه

ما وحشتكيش

كنا زمان

مع بعضينا

دنيتنا

بتنادى علينا

دلوقتى ليه

لُفْتُ بَيْنَا
هُوَ أَنَا لَسَهُ
مَا وَحْشَتَكِش
إِيهِ يَا حَبِيبَتِي
غَيْرَ حَالِكَ
يَا مَا خِيَالِي
رَاحَ لَخِيَالِكَ
كُنْتُ زَمَان
بِتَقَرَّبِي مِنِّي
وَ تَصَدَّقِي لِمَا
أَحْلَفَ أَنِي
شَايِلَ حَبْكَ
جَوْهَ النَّنْيِ
لِيهِ دَلُوقَتِي

بتبعدى عنى
هو انا لسه
ماوحشتكيش
كنتى اليوم
مع بكره و امسى
كنتى كلامى
و ضحكى و همسى
النسمه
حملت لى
سلامك ف الماضى
و وصفت لى غرامك
و وصتتى اجى
ف احلامك
ليه طولتى

بقا ف خصامك

هو انا لسه

ماو حشتكيش

ما تصدقشى

.....

ان يوم

اقولك

انى كرهتك

ما تصدقشى

و ان جيت

اقولك

ان انا

بعتك

اياك تمشى

دا انت حياتى

صوتى سكاتى

و داب فيك

رمشى

العيد هل

.....

العيد هل

علينا يا رب

ترجع فرحه

تملا القلب

و نزيد فيها

سوا م القرب

و مع بعضينا

نعدى الصعب

و مصر تكون

اقوى من الغرب

ادعوا معايا و قولوا يا رب

فرحة مصر عند ضرب بوش بالحذاء بيد منتظر الزيدى

.....

لو بين حراس

وحوش

او فوق

غصن الشجر

ماحدث يقدر

يحوش شئ

كتبه القدر

و من غير زواق

و رتوش و دى

احلا الصور

الجزمه ف وش
بوش بایدك یا منتظر

.....

انت دخت
تاریخ هو
خرج منه
بجزمه ولا الصواریخ
جت تترمی
ف حضنه و تكون له
اخر وداع ما خلاص
جبروته ضاع
و مشی م العراق
مکروش و عرقه
نازل مطر

الجزمه ف وش
بوش بإيدك يا منتظر
بمناسبة وصول مصر الى
كأس العالم لكرة القدم

.....

رقص كل
الدنيا بحالها
و هات
الجون
اثبت للعالم
كله انك
فرعون
لوجه
مره

و امر اشد
تاخدها بجد
و تیجی علی
نفسك وف لحظه
و ف ثانیه تكون
كدا قد الكون
و تفرح
تسعين مليون

الله يخليكوا

.....

الله يخليكوا

يا رب امين

يا سبب افراح

كل الملايين

عرفتوا كل

بلاد الدنيا

مين الرجاله

المصريين

رب قلوب

.....

ربك والله

رب قلوب

بس انت

اخلص ف النيه

مهما تكون

مليا بذنوب

و الإيد

ف الدم محنيه

مين غيره

يغفر و يتوب

لسه الفرصه مستنيه

نصيحه

.....

افهم و اتعل

يا ولدي

انا كل ميراثي

ف نصيحه

احسن لا ينوبك

دي ولا دي

سوي دمه

و ف دنيا فسيحه

حاسب

....

حاسب من

صاحب

كذا وش

بيغير

جلده

كما حيه

عائش

طول عمره

ع الغش

و لو يرفع

يده و لك حيا

يا ولدى

.....

يا ولدى

لا تصاحب

خوان

لو وحدك

هتعيش

ف محلك

و لا عمره

للعشره

ان صان

و ان جت له

الفرصه هيزلك

رضا الوالدين

.....

لو حابب

ربك

يرضى عليك

عاود

و بسرعه

على بلدك

و اياك تعصى

ف يوم

والديك

بكره ياما تشوف

من ولدك

انا قلبى

.....

انا قلبى

حبك

من صغره

يهديكى احدى

ما ف عمره

لا قال

محال

ولا فيه

جبال

ولو ليله

طال انتى قمره

راح الحب

.....

لما عینیا

جت ف عینیه

شئ شدنی

و جذبنی إلیه

جوایا

شئ ما عرفشی

دا إیه

خلانی

ملهوفه علیه

....

القلب هواه

من اول

يوم

و عشقت الـآه

و نسيت النوم

و شغلنى

و دلوقتى بيبعد

و بدور و انا

مش شايفاه

.....

ارجع تانى

امسح احزانى


ليه تنسانى

آه يا زمانى

و ان ما رجعليش

ها صبر
و هاعيش
و يا دنيا لا ما توقافيش

تعريف بالشاعر



محمد مكاوى محمد جميل

عضو رابطة الزجاليين و كتاب الاغانى

عضو نادى ادب قصر ثقافة شبين الكوم

صدر للشاعر ديوان ولا عمرى

ديوان مصر سنين و سنين – ديوان شعبيات بلدنا

ديوان مشترك فيض المشاعر

باحث بقسم جوازات شبين الكوم

محتوى الكتاب

- # بطاقة الكتاب 2
- # إهداء 3
- 1 - أسمى 4
- 2 - رجعى 5
- 3 - الحلو ياناس 8
- 4 - أطلبنى ع المحمول 12
- 5 - كيوبيد 16
- 6 - يا أسمر 19
- 7 - أبجدية 22
- 8 - قيدوا الشموع 26
- 9 - عروستنا 29
- 10 - يا أغلى إسم 32
- 11 - أهلا بالفرحة 35

- 12 - هذاف 37
- 13 - إدارى ياقمر 40
- 14 - أوبريت حورية والصيادين 42
- 15 - نفسى 48
- 16 - لا مش ممكن 52
- 17 - بحر الحب 54
- 18 - شمس وقمر 56
- 19 - صدفه 59
- 20 - صندوق حكايات 61
- 21 - من ورا الشباك 64
- 22 - إسمك إيه 66
- 23 - حبيتك 69
- 24 - راح الحب 72
- 25 - هو انا لسه ماوحشتكيش 75

- 26 - ماتصدقشى 79
- 27 - العيد هل 81
- 28 - فرحة مصر 82
- 29 - الله يخليكو 86
- 30 - رب قلوب 87
- 31 - نصيحة 88
- 32 - حاسب 89
- 33 - ياولدى 90
- 34 - رضا الوالدين 91
- 35 - أنا قلبى 92
- 36 - راح الحب 93
- # الشاعر فى سطور 96
- # محتوى الكتاب 97